

Kanon arkitektar ehf  
Helga Bragadóttir,  
arkitekt FAÍ  
Laugavegi 28  
101 Reykjavík

01  
54.22



Reykjavík, 23. nóvember 2009  
Tilvísun: UST20090200119/ksj

## Aðalskipulag Sandgerðisbæjar 2008 - 2024. Áfangaskýrsla 1 og matslýsing


Vísað er til erindis Kanon arkitekta fyrir hönd Sandgerðisbæjar dags. 18. febrúar 2009 þar sem óskað er umsagnar um áfangaskýrslu 1 og matslýsingu fyrir tillögu að endurskoðuðu aðalskipulagi Sandgerðisbæjar 2008 – 2024. Umhverfisstofnun hefur áður sent ofangreindum aðilum umsögn dags. 7. maí 2009, en vegna athugasemda frá umhverfisfulltrúa Kölku ákvað stofnunin að draga til baka fyrri umsögn sína er varðar umfjöllun um urðunarsvæði á Stafnesi. Umhverfisstofnun þakkar bréf stýrihóps um endurskoðun aðalskipulags Sandgerðisbæjar dags. 6. júlí 2009, og óskar hópnum góðs gengis í áframhaldandi vinnu sinni.

### Urðunarsvæði Stafnesi


Í umfjöllun um landnotkun í matslýsingu kemur fram að: „Óvissa er um framtíðar landnotkun á svæði sunnan við Stafnes. Þar er til skoðunar hvort miða eigi við hverfisvernd og nýtingu svæðisins til ferðamennsku og útvistar eða nýta það til urðunar ösku frá sorpbrennslustöðinni Kölku“. Að mati Umhverfisstofnunar er umrætt svæði ákjósanlegt útvistarsvæði enda liggar svæðið milli tveggja strandsvæða á náttúrumínjaskrá, en einnig er svæðið metið sem kostur sem urðunarstaður fyrir flugösku frá Kölku. Árið 2003 fór fram mat á umhverfisáhrifum förgunar sorps á Suðurnesjum. Matið náði yfir sorpbrennslu-, móttöku- og flokkunarstöð í Helguvík, Reykjanesbæ og urðun á Stafnesi, Varnarsvæðinu á Keflavíkurflugvelli. Í úrskurði Skipulagsstofnunar dags. 19. maí 2003 var fallist á framkvæmdina. Fram kemur í matsskýrslu framkvæmdarinnar að aðrir kostir varðandi urðunarstað hafi komið til greina, en þeir hafi verið útilokaðir vegna takmarkaðs rýmis, fjarlægðar frá sorpsöfnunarsvæði og tæknilegra vandkvæða. Ljóst sé því að svæði í Stafnesi hefur talist skásti kosturfyrir urðun flugösku frá Kölku. Umhverfisstofnun vill þó benda á mikilvægi þess að gerðar verði viðeigandi varúðarráðstafanir til að hindra að mengun berist í umhverfið ef til urðunar kemur og bendir á að í umsögnum stofnunarinnar frá 1.4. 2003 og 16.4. 2003 kemur skýrt fram að mögulega muni flugaska frá sorpbrennslustöðinni flokkast sem spilliefni. Síðan segir í umsögninni dags. 16.4. 2003: „Ef svo verður og óskað er eftir því að urða hana ómeðhöndlæða á urðunarstað í Stafnesi, þá mun stofnunin krefjast þess að frágangur urðunarsvæðisins verði í samræmi við það eða að gripið verði til annarra

*ráðstafana til að koma í veg fyrir að mengun frá öskunni berist út í umhverfið. Þær ráðstafanir sem framkvæmdaraðili bendir á í svörum við athugasemdum Umhverfisstofnunar eru að steypa eða glerja öskuna. Þar með breytist ekki efnainnihald öskunnar en komið er í veg fyrir útskoluð mengunarefna. Hvort þessi aðgerð er fullnægjandi er ekki hægt að segja til um þangað til rannsókn á því er lokið.*" Samkvæmt niðurstöðum mælinga sem gerðar hafa verið á flugösku frá Kölku er útskoluð mengunarefna of mikil til að urða megi öskuna á urðunarstað fyrir almennan úrgang. Því er ljóst að komi ekki til meðhöndlunar sem minnki útskoluð mengunarefna verði að urða öskuna sem spilliefni og verður frágangur urðunarsvæðisins að vera í samræmi við það eins og fram kemur í ofangreindri umsögn frá 16.4. 2003.

Virðingarfyllst

  
Kristín S. Jónsdóttir

Sérfræðingur

  
Ólafur A. Jónsson  
Deildarstjóri

Sandgerðisbær  
Skipulagsstofnun  
Umhverfisfulltrúi Kölku